





## 任縣志序

古者循名必責實而劉彥和則曰意徵實而難巧是非謂實之不足重謂實之不易徵也人之修於己則貴實行實學及乎物則貴實心實政安往而不宜求其實者矧志乘所關將以彰文獻備掌故而可不考實以期垂之久遠哉任邑志重修於道光初年自後杳無賡續簡編缺如上湘謝君蓉墀蒞官斯土見其民情樸實男耕女織饒有唐魏遺風惟近年來人文不甚振起慨然引爲有司之憾爰集司訓陳君學愚並學警各員悉心蒐輯商榷校讎所有山川風土人情以及沿革建置藝文風節體例統以八門考證必歸於當採訪必求其真期無一端之不實

天  
津  
華  
新  
印  
刷  
局  
印

焉耳余前權順郡素佩謝君學道愛人實事求是今者修志猶是心也承以書索弁言自愧譴陋不文何敢摭拾貽作者羞然心心相印樂觀厥成至於志之能詳能實與否觀者當自得之而作者則盡心以求其實藉以存一邑之文獻俾觀風者有所考證云爾是爲序

宣統三年歲次辛亥孟夏四月中浣署保定府知事蘇完瓜

爾佳延齡謹撰

## 任縣志序

邑志始輯於有明隆慶元年再輯於我朝康熙十二年道光初復修之隆慶志久無傳本道光志又簡略無足採今所據惟康熙志而已自康熙迄今二百五十餘載時遷事貿紀載闕如蓋文獻之散佚久矣余以光緒乙巳之夏奉檄蒞任始至之日出郡城循牛尾河而東不三十里而至邑境於焉察其風土溝塍鱗次流水環通汲引以時頗稱膏沃東北環大陸平疇千頃雖時有積潦之害而以食其福者爲多東帶滏陽灌溉運輸農商均沾其利其民則男務耕耘女勤紝織山樞葛屨猶然唐魏之遺其士則遵律令敬長官循循規矩而相尙以儒素蓋邑東

連鉅鹿而無其愚悍之風北接唐山而無其刁健之習斯固一方之所獨美者也所不足者人文之振起耳當前明中葉此邦人士未嘗不有聲於時而乃以繼起乏人遂使先達遺型日遠日泯微論追蹤繼武甚有並其姓字弗識者今試與近溯國初訪劉霖蒼循良之績遐稽勝代緬趙含章蹇諤之風年代匪遙知者已鮮又况游太傅之芳躅遠在拓跋之朝張徵士之高標渺在當塗之世者乎固由家少藏書人無績學而亦邑乘殘缺無以昭示來茲故也余撫任六載百度粗舉憫士風之譴陋思有以引進之而傳記所載古人之嘉言懿行雖皆足啟發人心要不若生於其鄉者爲易觀感而興起也故莫如修志爲最

宜而以勞勞於期會簿書無暇從事司訓陳君學愚學優而文美因以志事屬之採訪調查則委之學警各員爰以己酉歲四月開局纂輯越十二月書成是役也固將稽掌故酌經常問民風核物產俾生於斯者知所以鑒古而矯失吏於斯者知所以通變而宜民而尤在發潛闡幽取老成典型作後進模楷庶高山景仰人思奮發勗其所不足者益保其所獨美者斯又將來之志所待以延譽而增重者也邑人士其勉乎哉若夫時勢既殊理想亦從而稍異今志之作有不能盡同於昔者則義具例言無俟余之贅論矣

宣統二年五月下浣知任縣事湘鄉謝昺麟序

傳  
明  
海

天津華新印刷局印



縣之有志所以存掌故徵文獻兼以知人民之苦樂風俗之美惡者也顧或因兵燹之餘卷帙零落風雨剝蝕散佚無存則拾遺補闕誠官斯土者之責也任縣志書權輿於明隆慶元年再輯於清康熙十二年道光初葉復修之迨咸豐三年突遭洪楊之變志書版片悉付劫灰自是缺而未備者蓋六十年於茲矣前任湘鄉謝君蓉墀官任久以邑乘之闕如而無以昭示來茲也乃慨然以志事自任爰屬司訓陳君學愚實司編纂並督學警各員闡幽抉隱蒐討靡遺九閱月而書成義例燦然胥臻純美信足爲任邑光矣嗣因謝君陳君先後受代去且攜斯編丐序於前民政長劉原稿久未發還故遲遲迄未付梓去年秋余

奉檄知任縣事下車伊始輒以政治之良窳俗尚之同異以及疆域沿革水道變遷與都人士翻覆研究冀可以循名覈實獲洞悉其底蘊徒以志書烏有考鏡無資北望塔屹之臺西問長廊之柳俯仰徘徊亦僅得其形似已耳爰進紳耆而謀之略謂邑無志書不特學校禮制田賦兵刑犖犖大者欲考其興廢利病而莫由甚至一物產之微一藝文之末亦浸假而昧所從來今而不亟事補輯烏乎可况前因重修畿輔通志今因清史館纂辦地理志迭奉長官檄催賚送志書以資參攷是則編刻志書之舉更有不可須臾緩者諸紳耆以舊本之待鐫懼前修之難續無不翕然樂從用是以劉君書旂魏君華堂等設局籌

辦就謝君叢殘之副本各依門類撫拾而補綴之並詳請直隸巡按使朱將志書原稿咨取飭發俾得與補編同付手民此則任縣志書告成之巔末也是役也創於謝陳二君劉魏諸君亦與有力而余得樂觀厥成贅名書尾藉以悉政治俗尙疆域水道今昔之不同其爲幸也何若顧余蒞任以來忽踰半載所晝夜焦思惓惓不忘者則以任邑九河下流失其故道大陸之墟陷爲巨澤陽侯每易肆虐居民病其漂沒尙無術以疏濬而拯救之又未免循覽志書而良深慚愆者矣

中華民國四年三月任縣知事山左王億年序

竹 鼎 式

天津華新印刷局印

增補邑志序

一國有史一邑有志志與史相表裏者也史以載道道不外孝弟忠信禮義廉恥孔子之春秋紫陽之綱目胥是道也天不變道亦不變運雖變而天終不變守道而人羣以聚士習以端國體以立世界以成去道而人羣以散士習以敗國體以亡世界以滅史者道其所道故爲正史志者道史之道以爲道故爲良志世之趨新者動曰國體變矣君政變而民治古之所謂道非今之所謂道也依古而違今焉將迂闊而遠於事情矣其如道何世界變矣閉守變而交通中之所謂道非外之所謂道也尊中而薄外焉將因陋而昧於時勢矣其如道何不知道一而已

一者何也曰孝也弟也忠也信也禮也義也廉也恥也無古今無中外一也故夫人情之變也物理之變也事實之變也而道則不變準道以樹之鵠道合而褒之獎之表揚之激勵之以勸善也以勸孝弟忠信禮義廉恥也道乖而貶之譏之禁絕之誅滅之以懲惡也以懲不孝不弟不忠不信不禮不義不廉不恥也此春秋之微意也亦綱目之大法也吾邑志重修於宣統末造謝邑侯之所鑑定陳司訓之所編纂固已炳炳烺烺蔚乎大觀乃未及鋟版而清社已屋二公亦先後去職今四閱寒暑矣帝國去民國興開四千年未有之創局其間人情之變物理之變事實之變參伍錯綜不知凡幾苟不重新補輯以明大道則

帝國之所尙或疑非民國之所宜將自由平等之學說愈沿愈  
誤其何以教孝教弟教忠教信教禮義教廉恥以垂鑑戒示來  
世哉我邑侯王公下車伊始刻刻以益民正俗爲念慨世風之  
不古慮絕學之失傳咨命多士賡續前編予識淺學疎深恐未  
克勝任貽大雅羞奈斯道攸關不得不竭力維持焉任邑古爲  
晉地陶唐氏之遺風至今尙在其民之守孝弟務忠信遵禮義  
崇廉恥者亦旣沿爲舊俗雖國體有變世界有變而人心之守  
道正未嘗變也爰本此意詳加採訪其自達官顯宦學士文人  
逸民鄉耆奇男烈女凡有關於孝弟忠信禮義廉恥者莫不搜  
集補錄以光卷帙卽如疆域地利水陸物產人工製造以及新

政設施舉可以助成一邑之富庶以養成孝弟忠信禮義廉恥之風者亦皆備載靡遺俾後之覽者撫遺牒懷往事有以興起其孝弟忠信禮義廉恥之心則志之有裨於桑梓者孰大於是孔子曰道不遠人人之爲道而遠人不可以爲道吾亦曰志不遠道人之爲志而遠道不可以爲志斯卽續志之本旨也夫是爲序

民國四年一月十八日卽舊曆甲寅十二月初四日邑人前清舉人劉書旂撰



## 凡例

一志書之作以爲民也故凡有關地方利病生民休戚者但有足徵悉從甄錄隨事立論亦卽以此旨爲宗

一體例所存貴明統系茲則統以八門復就各門詳分子目事以類從文因事繫綱領旣得條目咸釐

一圖學近最發明然欲以米突之尺求若干萬分之一可供新學考證難資舊學研求茲仍計里開方循方定位庶城鄉遠近川澤短長展卷披圖瞭如指掌

一地理多詳分野而其理實未易言微論地球旋轉難拘以何度何方卽準天動地靜而言則昂畢高懸豈專斯境茲故詳

經緯而略星躔氣候至分庶堪推測

一沿革僅志大凡疆域只詳現界其統部之或合或分舊境之爲贏爲縮非關宏愷無事駢枝

一山脈河流爲地理所必要而本境則平原坦蕩河道紛歧水溢旱乾皆關民瘼故凡滌源疏委建閘開渠孰便地形孰資民力利害所繫不厭求詳

一人因地著村落始成其有築堡以衛民建坊以表里旣歸連類無取更端至古迹留遺何鄉傳播亦從附識聊助雅談

一物產因地而生風俗隨地而異爰稽厥類當附茲篇然考名義於葩經溯流風於史傳徒矜學識何與民生茲則撮物產

之大宗紀風俗之現狀盛衰媿惡一覽可知司牧何人尙思  
富教

一邑有建置無非民力民財然政治所關不容已也大而城池  
次而衙署舊有之學宮壇廟新增之堂局園所以及橋梁館  
舍悉匯斯篇記事之文隨條附入後之覽者庶識由來

一經政之設祇記大端用一緩二爲民惜財則賦役先焉崇德  
報功爲民祈福則祀典詳焉欲酌行政之緩急當視斯民之  
貧富則戶口土田有比例焉經費因乎地糧鹽引關乎民食  
隨宜附述不別爲篇至承敝通變新政乃行然款目旣隨地  
而殊興舉亦因人而異欲稽定制尙俟方來

任  
職官宜斷自 本朝而舊志於編輯官師方嫌未備搜求姓氏勤懇有加今忽從刪或爲已甚故仍循舊例過而存之其有政績者則分繫各條俾得觸目警心勉思樹立

一舊志選舉先明經次乙科次甲科謂宜順推不宜逆數然科舉時代旣以進士爲最榮自當以進士爲稱首今所表列仍以進士居先舉貢遞而次焉其自他途者則統以仕進附諸選舉之末

一人以地生地因人重則人物志焉舊存列傳頗多疏漏茲則上稽史冊旁探通志就其有可考見者詳爲補輯採訪所得依次序列然代以遠而或湮人以近而易附不遺不濫深愧

未能

一事有可紀而又不足爲一門者則統以紀事一切古蹟亦附其中略等類編以免煩瑣

一藝文一志不僅論文或取其有益地方或取其有關時局非此例也概不濫登

一舊文不能盡善而故事未可盡刪故鈔錄原篇則直言某撰節易舊作則區以略云至銘誌則體近頌揚採訪則語多鄙俚事期徵實詞貴求工筆削頓加不辭僭妄

一舊志所有不嫌於因舊志所無何嫌於創故辨證多抒己見序次亦本獨裁至義有未宣或立論以闡之事有未覈或加

按以明之隨手拈來初無定例

任縣志修纂姓氏

鑒定

花翎同知銜任縣知縣湘鄉謝昂麟

編纂

乙酉科舉人任縣訓導房山陳智

錄事

廩生姜弼綸

繪圖

警務畢業生劉國英

採訪

貢魏華堂

貢張繼釗

生馬詒元

生牛煥文

童張問渠

調查

員趙維邦

生魏錦堂

員任春膏

生劉國英

附

歲

增

增

文

調查

生

警

生

警

務

務

業

業

業

業

業

業

業

業

畢

畢

業

業

業

業

業

業

業

業

業

業

業

業

業

業

業

業

業

業



警

務

畢

業

生武桂林

繕寫

生

員張景新

生

員王靖遠

竹  
東  
元

天津華新印刷局印

任縣志增補修纂姓氏

鑒定

任

縣

知

事山左王億年

增補修纂

丁

西

科

舉

人劉書旂

採訪

單

級

講

習

所

畢

業

生吳得祿

師

範

傳

習

畢

業

生劉慶珉

校對

優

廩

生劉際奎

員節拜竹

生宋士英

貢吳寶善

寫馬榮騏

生李春生

高	繕	已	廩	生
等				
小		西		
學		科		
校				
畢		拔		
業				

任縣志目錄

卷之一

地理

沿革 疆域 天度 山脈 河流 社里 物產  
風俗

卷之二

建置

城池 公署 學宮 壇廟 官舍 橋梁

卷之三

經政

賦役 戶土 祀典

卷之四

職官

選舉

科目 仕進

卷之五

人物

宦蹟 鄉耆 俠義 隱逸

卷之六

人物

烈女

卷之七

紀事

災祥 兵事

古蹟

城址 寺廟 冢墓

卷之八

藝文

公牘 古詩 舊序

# 任縣志卷之一

地理

沿革  
河流

疆域  
社里

天度  
物產

山脈  
風俗

沿革

本境當未置縣以前已名爲任春秋左氏傳鄭羽頡奔晉爲任大夫齊國夏代晉取邢任欒郟所謂任者皆今任縣地也自漢始置縣屬廣平國後漢屬鉅鹿郡建安十七年改屬魏郡三國時屬魏廣平郡晉沿魏制元魏永安中屬北廣平郡齊省後周因之隋開皇十六年復置縣於苑鄉城大業初省入南和唐武德四年復置屬邢州五代因之宋熙甯五年省入南和元祐初復置屬信德府金屬邢州元至元二年省入邢

台後復置屬順德路明屬順德府

國朝因之

按漢書地理志廣平國有任張廣鄉通志皆以爲今任縣地然縱橫數十里中豈能並置三縣攷地理韻編張縣故城在任西南二十七里則已軼入邢台之境廣鄉故城方輿紀要謂併入本鄉以今地準之理或然也

疆域

本境爲順德屬邑在省治西南五百八十里在府治東北三十里境之四正界東四十里界平鄉鉅鹿西八里界邢台北三十二里界唐山南八里界南和境之四隅界東南四



十里界平鄉西南八里界邢台東北五十里界隆平四十二里界鉅鹿西北三十三里界內邱東西約五十里南北約四十里

按任之爲邑絕長補短將五十里置任於省境之中正賈誼所謂淮陽之比大諸侯僅如黑子之着面者也然地非衝要官無奔走迎候之勞土異沃饒民無驕奢淫泆之習官事簡則可專心爲治民爲樸則將惟令是從明政刑敷教化未有便於此者也因勢利導是在長民之吏而已壤地褊小奚礙焉

天度

經綫 京師偏西一度三十九分緯綫赤道北三十七度十一分冬至晷影一丈七尺七分強夏至晷影二尺四寸四分強冬夏至晷夜長五十八刻四分弱短三十七刻十一分強節氣較 京師早六分三十秒

按經緯度相距里數今昔之說不同元史札馬魯丁言中國在赤道北故北極常現南極常隱南行二百五十里則北極低一度北行二百五十里則北極高一度利瑪竇地圖說南懷仁坤輿圖說及數理精蘊等書皆言每度二百五十里術由實測理絕空談精詣相傳折中已久至近時遵用西人之說乃以二百里爲一度蓋因考定經綫皆以英京爲起點推

測緯綫遂亦以英度爲定衡英以七十里爲一度英一里合  
中三里而弱三七相乘約得中二百里此新說所由與舊說  
異也余不諳天算未能辨其說之孰爲精審但以道里計之  
任邑距京師八百七十里京師當北緯三十九度五十  
五分與三十七度十一分相減餘二度四十四分每度計以  
二百里得五百三十餘里與地面數相去懸絕若每度以  
二百里計之得六百六十餘里加以偏西斜徑一度餘  
與地面里數略相符合則舊說爲得其實雖人行地上與鳥道凌空取  
綫有弦弧之別而較其差率正不能過多也

### 山脈

龍岡在縣南一里

康熙志

沙岡在縣東北二里

府志

嶺南岡在縣東

北二十里

雍正志

按邑境平衍四無山阜惟城南地勢突起橫如隄岸俗名龍岡方輿紀要謂岡脊橫亘東西長二十里蓋西山之脈蜿蜒於郡北與石井鹿城諸岡互相接續者也

河流 河道 疏濬 水利 水害

記曰以舊坊爲無用而壞之者必有水患蓋水勢無常其逕行之道可由舊而新仍可由新而舊故歷紀今昔庶河道之變遷有攷焉

康熙初年河道 舊志

達活泉 發源自府西北入郡濠卽牛尾河也舊與牛尾同入今北徙經邢之李道村東北入任縣地至趙五家圪台有順

水河合入至薄村方自西有蔡馬聖水三河合入至塔圪台  
合百泉河

百泉河 發源府東南葫蘆套至南和賈宋村東入任縣地至  
王村方西有牛尾等河合入至塔圪台入鷄爪河東南有澧  
河殷陳溝河合入至邢家灣合入滄陽河

沙洛河 發源府西栲栳洪山曰洪河下合沙河縣西北之溫  
泉至鷄澤縣合流經南和縣之北高村迤西入任縣地至石  
家溝入滄陽河

澧河 發源自府西路羅諸山其源有二一自豬莊之北川來  
者曰烏梅河一自溫泉之南川來者乃洪河分流至南和郝

橋北五里入任縣地至塔圪台前西合百泉入鷄爪河

蔡河 發源府北梁原店之西山經邢之時村二里許入任縣地一南向環城一北向東折穿城合濠水東流入聖水河

馬河 發源邢之西山馬嶺川至北蓋宗入任縣地舊由橋頭尹家莊吳鐵莊馮村北留寨入泊因故道迷失日久今隨水勢自北張東北引合聖水河

聖水河 發源本縣境內西地界南有蔡河合入至北張村東北自南有馬河合入至東馬橋下六里許入達活河

滏陽河 發源磁州至平鄉中義疇橋入任縣地統泄大陸諸河之水今沙土淤高水反內溢

泚河 源出自臨城縣西山舊經唐山隆平至甯晉入滏陽河  
今自唐山縣南向大市口賈村魏家莊大莊頭入任縣地由  
張村鄭家莊王村入泊

泚河 源出常山房子縣贊皇山舊合泚河今自唐山之干言  
屯至牛村入任縣地經薄村東南合入馬河

牛家口河 漳河支流也自曲周經平鄉中義疇入任縣地南  
新莊至邢家灣合入滏陽河

程寨河 沙河支流也自南和郝橋村入任縣地三里至程二  
寨轉西二里至駱莊折北四里至達家莊五里至東盟台入  
泊

留壘河 滄陽支流也自南和縣之北高村入任縣地三里至

雙篷頭三里至留壘村三十里至甄莊方西入沙洛河

牛尾河 自邢之李道村東南入任縣地河頭村至大宋村合

入順水河

順水河 百泉北支流自南和之賈宋村入任縣地至趙五家

圪台合入達活河

殷陳溝河 百泉河南支流上流有二一自南和入任縣地白

佛店經杜科單家莊邵家莊一自胡家閘經胡家莊翟家莊

陳家莊杜科杜家莊至邵家莊合流經駱莊方入台南店東

新建三橋下流而東北入澧河



鷄爪河 在大陸澤爲諸河尾閘通滏河直北有溝名小鷄爪  
亦可去水今滏水反內溢隨浚隨淤

古滏河 在縣東北四十里穆家口村北昔時統洩諸河之水  
去五里許接隆平崔家樓今淤爲平地水不能洩

黃家溝 楊家溝 俱在鷄爪河南 張滋溝 在鷄爪河北  
石家渠 在邢家灣 各溝渠分洩衆水達滏河今滏水

內溢淤不能疏

以上  
舊志

按舊志言滏河自唐山干言屯至牛村入任縣地攷滏河發  
源在泚河之北中隔百餘里分流東注至隆平西境相距猶  
四十餘里設滏河決而南下豈有越泚河而不併入泚河之

理由今測昔沛河似無從南經任境而志顧謂為沛河者蓋

因古沛水有入泚之文漢書地理志贊皇山石濟水所出至瘦陶入泚石濟水即沛水瘦陶今甯

晉縣意其地必相近見有與泚並流之水遂疑為沛河不知沛

水入泚乃在歸泊之時而非其經流之處然志之所載又確

有一水既非沛水果為何水平攷通志李陽河源出內邱且

停山東逕唐山縣境至牛村入任縣境逕小劉莊西北又東

逕薄村東入達活河志所指為沛水正當其地而全境河道

初無李陽之名故安瀾志謂九河八水李陽獨遺則所謂沛

河者殆必李陽河也此河今已久淤又泚水經任境不久旋涸未詳

自何時改流攷辛市村觀音廟碑言地受泚水多斥鹵泚水

洩而地膏沃碑建於乾隆二年泚之斷流已久計當康雍之交泚已改歸故道不復南經任境矣

道光初年河道續志

達活河 由河曲村東北入縣境至西留村分一支入城濠北流三里與正河合東北流由永福莊歸泊

百泉河 由南甘寨台南至路村卽散

沙洛河 由雙蓬頭象牙寨安上村尼家莊歸泊

滄陽河 入縣境辛店至邢家灣出境

柳林河 由唐山邢村尹村入縣境劉家屯入聖水河

聖水河 不合達活河

程寨河 卽今乾河

牛尾河 舊志言合入順水爲牛尾之古道今爲澆地溝

古滄河 今名北澧河雍正四年開以上續志

按舊志共十八河中無柳林續志增入柳林尙止九河雖意在僅志目前而舊時所有之河孰爲改道孰爲斷流俱未之及未免疏略已甚又云滄水至任較平邑尤弱百泉牛尾自西而東合而助之置閘疏分邑田皆藉其潤二水距滄懸遠安能合而助滄耳目所及之地謬誤若此其他之無足徵信可決矣

今日現行河道

滏陽河原名滏水宇文周置縣於滏水之陽因以名縣後乃以縣名轉稱於河其水出今磁州西北境有南北二源北源出石鼓山南源出神農山源分流合東北逕磁州邯鄲永年鷄澤平鄉沿道受三十水自平鄉龐家莊西北入距縣治東南四十里辛店之東南境內巨川也東北流逕辛店堡東五花辛莊西折而直北至北定村西南折而西至辛興莊村南復折而迤北逕天口田玉莊甯家莊甄莊邊家莊東西黃莊等村至邢家灣之北分二支一折而東流行三里入鉅鹿縣境一稍北折而西會鷄爪河合流而北會新澧河

此河在本境面寬六丈底

寬三丈深丈餘行四十餘里惟春末夏初水多淺涸餘時則水常流通能行大小船筏兩岸田畝皆資灌溉

按古滏穿大陸澤而北故為澤水所由洩自改從東道澤中遂無滏水其他諸水則皆大陸澤所匯納者也

大陸澤在縣治東北十七里禹貢所謂大陸既作者也俗名南泊南北袤二十餘里東西廣十三四里為漳河以北泚河以南衆水之所歸其南則澧河稱最大焉

大陸澤之南則有澧河自南來入之

澧河古澗水漢書趙國襄國州今邢蓼水馮水東至朝平和今南

入澗者是也其上流為沙河源出太行山中合山西遼州諸山之水會流逕沙河縣境受野河即古馮水分一支東北流逕南和縣境更名澧河至郝橋北五里入距縣治東南二十五里

駱莊村之西南五里許北流至達家莊西駱家莊東殷陳溝  
自西南來入焉又北逕東盟台西入泊蜿蜒而北逕于盟莊  
村西二里許乾河自東來入焉轉而西北至環水村西南六  
里許達活河合順水河自南來入焉又北聖水河自西來入  
焉又東北流至環水村西北劉累河合沙洛河自東南來入  
焉又東北至穆家口西鷄爪河合滄陽分支自東來會又北  
爲新澧河此河在本境寬七八丈深四五尺行五十餘里自  
未會達活河以南冬春乾涸夏秋之交大水時至  
始爲巨川自會達活  
河以北則水常通流

大陸澤之南澧河以東則有乾河自南來入之

乾河卽沙河正支也自沙河縣境東南流逕永年鷄澤折而

東北逕南和縣境至郝橋東北六里入距縣治東南三十里  
西望馬台之西南三里許北流至程爾寨村南二里許名程  
寨河折而西逕駱莊村東遶村東北壁北流入泊蜿蜒而北  
至東盟台村東稍西復北至馬家莊村南折而西流入澧河  
此河在本境寬五丈深尺餘行  
二十餘里非大水河常常乾涸  
大陸澤之東南乾河以東則有洛河自東南來入之

洛河古寢水漢魏郡武安州今磁有寢水是也源出山西遼州

太行山中自河南武安縣東北逕邯鄲永年鷄澤過沙河之  
故津爲沙洛河逕南和縣境至北高村迤西入距縣治東南  
三十里東望馬台之南北流三里許至村東南折而東流至



留壘村迤西二里許折而迤北逕象牙寨村東復蜿蜒西北

逕象牙莊吳家莊安上村于盟莊四村之東北折而北復折

而西逕馬家莊村東至尼家莊村北入泊北流入劉累河

此河

在本境寬四丈五尺  
深四五尺時常乾涸

大陸澤之東南洛河以東則有劉累河自東南來入之

劉累河亦名落漠河卽古薄洛津語訛爲落漠滄陽支流也

滄陽河至永年縣界有分支東出爲劉累河會稻田潰水東

北逕鷄澤平鄉至南和北高村北二里許入距縣治東南四

十里雙蓬頭村之南東北流遶村東壁迤北逕留壘村西又

西北逕辛店村西又西北逕郭家莊村東迤北至劉家莊村

南復折而蜿蜒西北至馬家莊村東入泊又西北洛河自南

來入焉合而西北流至環水村東北折西入澧河

此河在本境寬五丈

深四五尺約行三十里春冬乾涸

大陸澤之南澧河以西則有百泉河自西南來入之

百泉河古蓼水漢志所謂襄國有蓼水是也上流為七里河

源出邢台西山伏流至城南七里復現東納百泉之水通為

百泉河逕南和縣境至賈宋村東北入距縣治東南六里前

大宋村之東南二里許東北流穿台南村折而東復折而北

逕駱家莊村西半里許北流入泊至東盟台村西北三里河

身淤淺水皆漫流

此河在本境水亦不常

大陸澤之西南百泉河以西則有順水河自西南來入之

順水河百泉北支流也上承邢台東汪等村十八閘之潰水經石井等村至南和之賈宋村東入距縣治南八里南甘寨村之南一里許北流至村東屈而東復折而北至北甘寨村南復折而東逕前後大宋村之間迤東至郭村南轉而東北至台南村北折而西至齊村東復折而北逕固城村西辛益村東又北穿路村入泊蜿蜒東北至永福莊村東四里許屈而西流入達活河

此河在本境寬一丈深八尺行三十餘里常年有水頗資引漑

大陸澤之西南順水河以西則有達活河自西南來入之

達活河古渠水漢志襄國西山渠水所出是也源出郡城西

北達活紫金野狐等泉東南流合沙底河至蒲州屯南受關灣閘水入距縣治西南八里河頭村之西南三里許東北流遶村西壁蜿蜒而北至西留村西分一支東流注城濠所謂蔡渠者也其正支東北流逕南北章固村北折而東至三里橋蔡渠水自南來入之合而北復折而東行六里許折而迤北逕張家莊村北復折而東北至永福莊村南三里許分二支一東流北折合順水河屈而西與北支會一北流至村西北隅迤東與東支合又東北流入泊又北入澧河

此河在本境寬一丈

下游寬一丈五尺深一丈行三十餘里常年有水頗資引漑

大陸澤之西北達活河以北則有聖水河合柳林河自西來入

之

聖水河發源縣治西北十六里東欒村北三里聖水井泉出

平地湧流成河逕聖女祠前蜿蜒東北逕沙營村東南至劉

家屯南折而東流逕程家莊柳林河自北來入焉柳林河古

長谷水漢志中邱蓬山長谷水所出是也今源出內邱即漢中邱

龍騰山即古蓬山為龍騰水東逕柳林村為柳林河又東名小馬

河逕唐山縣境至唐家莊東南入距縣治北二十八里劉家

屯之西東南流入聖水河柳林河在本境僅半里餘河身久淤水皆漫流宣統元年挑入聖水

聖水既合柳林河逕西馬橋村東又東逕東馬橋村南里許

入泊又東北入澧河此河在本境寬八尺深七尺約行二十里水亦不常惟發源處常有細流

大陸澤東西南三面翁受衆流惟東北一隅爲洩水之區則有新澧河接澧溢之流者則爲鷄爪河

鷄爪河在邢穆寨之西舊時澤中之水由鷄爪河瀉入滏陽自滏陽淤高水乃西入鷄爪河北流二里許折而西北流約三里入新澧河

通志云鷄爪河長七里

新澧河亦名北澧河亦名穆家口河卽古滏故道也爲澧河之下游故曰北澧除其舊淤故曰新澧首起穆家口故又曰穆家口河統洩大陸澤諸河之水至穆家口西復受鷄爪河合而東北流至永福莊入隆平東南境

此河在本境深廣各丈餘行五里出境水常流

通

按澧河至永福莊東北俗名澧河頭自此以下卽稱爲新澧河而各志所稱新澧河則起自穆家口今欲因地定名永福莊東南可稱南澧河永福莊東北可稱北澧河穆家口以北稱新澧河庶地形河勢俱言下瞭然矣

澧河百泉柳林達活諸水攷

按通志以柳林河俗呼小馬河者爲古馮水以達活河爲古蓼水其說小馬河云漢志馮水與蓼水並舉其相近可知達活旣爲蓼水而此馬河卽在達活之北亦類記之列又云查內邱縣志西北界有馮溝必爲馮水之溝無疑其溝在龍騰山西於東流亦順但馮溝近爲第二川所逕東南入於野河

不東入馬河耳愚攷漢書地理志趙國襄國有馮水蓼水皆東至朝平入馮襄國今邢台縣朝平今南和縣境也通志以漢志馮蓼連言意其地必相近既以達活爲蓼水故遂以馬河爲馮水皆不過臆斷其然耳今考馬河卽柳林河出內邱縣西北而東南入任達活河出邢台縣西北而東北入任皆不逕南和之境與漢志東至朝平入馮者均不合卽謂馮溝爲第二川所逕始東南入野河亦必其勢便於東入馬河水性趨便則當第二川未逕馮溝之前安知馮溝之水不卽入野河乎竊謂欲辨馮蓼之爲何水當並求馮水之何在請先言馮蓼二水邢台縣志野河源出縣西北一百五十里之馬



嶺關東合龍門川北納內邱西山一水自婆婆庵東西分流合而來入其水卽第二川之水亦卽馮溝之水實爲野河之上源則野河者古馮水也又七里河爲百泉河之上流源出縣西北九十里之黑龍關下會百泉水通稱百泉河準其地望百泉之上源與野河源東西距五六十里流逕縣境與野河南北距十餘里視柳林與達活地尤相近今既可據馮溝之水知野河爲馮水獨不可據漢志二水連言之意由野河推及百泉乎則百泉河者古蓼水也野河東南合沙河至南和境更名澧河百泉河亦東南至南和境東入澧河與漢志馮蓼二水東至朝平入澨者正相符合則澧河者古澨水也

邢志據說文襄國澗水所出謂野河爲澗水則以下流所合之水名被之上流實則水本二源名難相混卽通志謂沙河爲澗水亦只以沙澧合爲一水上下卽可通稱豈知漢志之澗水則確指旣入南和之澧河非指武安沙河二縣境內之沙河也知澧河之爲澗水益可證野河之爲馮水百泉河之爲蓼水矣又通志謂百泉爲虒水今以蓼水屬百泉則所謂虒水者當爲今之何水曰漢志朝平列葭水東入虒說文襄國虒水所出東入澗通志以百泉爲虒水雖合於虒水之入澗而不合於列葭水之入虒寰宇記謂列葭水下注狼溝河沙河縣志謂狼溝有東西二河源皆出邢台廠里村至南和

境入澧河漢志所謂列葭水東入虜說文所謂虜水東入澗者悉合則狼溝河者古虜水也或謂是之所辨殆皆然矣而柳林與達活二河又當爲古何水平曰漢書地理志常山郡中邱註云逢山長谷諸水所出東至張邑入濁張爲任所分邑濁卽漳水漳滏舊曾合流故滏亦稱漳中邱之逢山卽今內邱之鵠山凡是山之水西北來而東南行者皆可以長谷水概之則柳林河者古長谷水也又趙國襄國注云西山渠水所出東北至任入寢任卽今縣境寢卽洛河襄國之西山卽今邢台之西山凡是山之水西北來而東北行者皆可以渠水概之則達活河者古渠水也此則源流方向尤爲昭晰者矣嗚呼

氏注水經不辨濡源胡氏注通鑑未明除口名賢著述不免一疏末學研求豈衷一是世有復糾我誤者乎跂予望之矣  
疏濬

任水國也以水之利害爲利害故疏濬之事最重然開一溝通一渠一鄉之利害多由一鄉之公議決之非一邑之所關也大工大役間時一作紀載者又或僅紀其事而不詳所以集事之方惟知縣吳懷忠於順治十八年濬全境河道其預立之謀當事之施善後之策慮審計周在在足爲後法故今紀歷時疏濬俱以先後爲次獨取吳令所已行者另爲篇俾繼斯役者易於尋覽焉

明正德時知縣張瓚濬澧河

元郭守敬言澧河過古任城沒其民

田皆可耕種瓚師嘉靖六年知縣陳璣疏穆家口河道

經略云任之東有漳澧沙洛馬百泉達活溢陽九河高

來西塞東至衛里水失其性洑溢而汎濫隆隄坊下

流淤塞廣者四里而任之患居多以田畝計千餘

頃以村落計三三餘鄉民乘漲為去留皆茅舍而居

代而食售產久乘舟而往湖九之流尋壅塞之故深

即繪圖且牘以請巡撫劉公之未幾陳去劉亦謝

董復親代至下其議於郡守于公當兩府調董公專

理何公如謁其言董公順德起七千夫以真定管別

之患特公督夜籌九畢殫心量功命日躬冒風雨以

民皆効力四里其深廣各丈許水得其性奔突湧沸

上相距四里其深廣各丈許水得其性奔突湧沸視

容瞬隆平鉅鹿盡成沃壤而任之水退亦幾半蓋以九河所  
 鍾而一河洩之難卒涸也董猶少底焉今日田畝可耕村落  
 時察形便量起夫役漸加疏濬可免矣旬日之間除數十  
 可居兩厥功懋哉任幕李君詢嘗佐茲役而勒石以紀其事  
 年之患於予懋曰陳公之創議仁也劉何二公之勞也誠皆  
 而問言於予事誠也董公之親執其水脈也恐他時窒壅淤  
 頌也己雖然不常者氣數也無定者也莫肯適任患  
 塞猶夫昔也今鑄於石後或不幸而有變庶或指之曰昔者之  
 猶夫昔也今鑄於石後或不幸而有變庶或指之曰昔者之  
 害諸公能除之今日之害吾輩寧忍安乎則動舉之力也其  
 下順適永乎李是言  
 功不既永乎李是言  
 遂命工刻石以爲記

國朝順治十八年知縣吳懷忠普浚全河另詳他篇康熙季年知縣

張有光通葫蘆套疏穆家口河然未大施功不久淤塞瀉水  
 五溝亦淤其三只有鷄爪張滋不絕如縷有所受而無所洩

漲溢爲害雍正四年 怡賢親王奉 命查勘疏有云洩河  
以南水自內邱來者有李陽河七里河小馬河柳林河或名  
在而跡已湮或跡存而流已徙道途所經一一訪求卽土人  
亦不能言其故而指其處然石橋宛在斷碣猶存或此等本  
非經流前人開之爲洩澇歸泊之路今皆任民耕種以致山  
水暴下瀾漫四野貪尺寸之利貽害無窮今已委員酌量疏  
通令水有所歸田疇不受其害小柳河之東爲聖水河亦名  
聖女河源出任縣之欒村聖女祠下水從地湧引流可田南  
爲白馬河源出內邱之鵠山經邢台居民建閘溉田壅之而  
不使下下流遂湮水漲之時則以鄰爲壑故北之聖女南之

牛尾二河俱被其衝突爲任邑害今應濬白馬入泊之流嚴  
邢台閉閘之禁害去而利乃興矣牛尾發源邢台之達活泉  
水盛岸高直達於任縣泊作閘節宣利賴曷窮焉又南百泉  
河源出邢台之風門山歷南和之北豆村康家莊等處有閘  
十三座溉田數百頃而任縣不沾一勺之潤今應立法以均  
其利自下而上各以三日爲期則沿流一帶皆水田也但河  
身尙隘宜展而倍之百泉之南爲野河下入沙河分二支一  
流南和至任縣爲澧河一流永年北下鷄澤至南和爲乾河  
抵任縣合洛河入任縣泊自洛河與沙河合近年常苦涸竭  
若引滏陽之水假沙洛之道兩河之間俱可沾其浸溉又云



查任縣泊土人謂之南泊甯晉泊土人謂之北泊皆禹貢大陸故地也南泊所受諸水舊注滄陽河自滹沱填淤河高於泊所有出水五溝勢成倒灌難以議開惟鷄爪一河不足消全泊之漲此任民所以曉曉於穆家口之開閉也隆平地居二泊之間惟恐坐受其浸故力爭而阻之及委員查勘穆家口河道原自流通特隘而淺耳今應略加疏濬爲力無多其邢家灣及王甫隄舊橋卑壞不無梗塞亦應改建添築以暢其流而馬家店以下所有之澧河古隄略爲修補以防溢濫任民既不苦於漂沈卽隆民何憂波及也於是開穆家口河長四十里挑河之土以夾築長隄導澤水而注之北泊其鷄

爪亦加疏滌自是以後無大工役乾隆時挑澧河百泉河皆

二十餘里同治初年挑澧河十二年奉文挑沙洛河據土人

河久不行水自挑之後水勢極大連年被害後復淤涸害乃

稍息所以然者河岸高於平地約五六尺至七八尺河身高

於平地約一二尺至四五尺一經潰決勢若建瓴即修固隄

防水平外溢而河高於地沿岸田畝為水所浸亦成汚萊此

則言疏濬者所宜光緒十九年二十五年兩次挑澧陽河九

詳慎從事者也宣統元

年挑河之役知縣張桂芬與平鄉縣包與任民無干宣統元

平鄉河岸畦地者均歸平鄉縣包與任民無干宣統元

年挑牛尾聖水順水柳林諸河聖水泉已湮今挑濬寬又通

志澧陽河說有云邢家灣鷄爪河一道計長七里原係南泊  
分消之路澧河本在甯晉北泊東汪鎮之南河身寬闊與十  
字口河等其後北泊半淤澧陽南徙數里河面始狹不能受

南泊邢家灣有老閘一座已難啓放並爲該處莊民堵塞南泊盛漲專注澧河澧河不及洩卽不免泛溢爲害查南泊穆家口澧河之外向有五溝今湮其四僅存一鷄爪河復令不通涓滴全灌一澧河不獨南泊汪洋數十里中滿難消亦恐澧河四溢宜修廢閘如法啓閉令兩分入澧一分入溢並挑邢家灣溢陽直抵十字口河一律展寬令足五六尺深滿一丈者不必加深但令足容而已近底三尺仍不得過二丈以外恐水消之後存水無多河寬則流散立至淺涸商旅不便也此說在同治初年議而未行附識於此以資後來考證

十七河疏濬紀

順治十八年

知縣吳懷忠著

淺狹汜溢疏濬堵葺工固多方近村着力濬倚工起工計  
丈尺算合派分事勞法逸

百泉疏濬賈宋陸村迤及邢灣度九千尋尋餘七二河底地平

決排伊始法在寬深杜河無患當倍經營  
賈宋至甘寨七百二

九百丈 大宋至郭村三百六十二丈 郭村至生劉莊至大宋

八十四丈 生劉莊至台南四百二十丈 郭村至生劉莊至大宋

百四十七丈 固城橋至新益場五百四十二丈 郭村至生劉莊至大宋

留寨場七百二十丈 陸村場至南寨場六百九十二丈 郭村至生劉莊至大宋

澧河工尺四萬八千萬六千丁合力維艱設法倍增苟且以全  
駱達東社于尼馬間應受害村加理乃賢  
駱莊場至達家莊一

家莊至東盟台四百四十丈 東盟台經杜家莊六十丈 至達家莊一

盟莊場八百二十丈 于盟莊至馬家莊三百七十丈 至馬

家莊至尼家莊二百七十丈  
十丈黃思口經塔坨台場入雞爪河一千二百八十丈

沙洛上壅深闊作用五千餘丈河勢難挖望馬台下老岸莫動

濬宜下深波流自送  
北高村至望馬台八百丈  
牙寨五百三十丈象牙寨至王家莊一

百八十里王家莊至吳家莊五百八十里  
上村三百五十丈安上村至莊盟莊四百二十丈

莊至馬家莊三百七十丈  
一尼家莊至甄莊場三百七十丈  
甄莊場至石家莊一千

十丈  
達活上流高深無礙七千丈餘斟酌用艾濬自張莊至北留塞

宜闊宜深毋緩毋怠  
李道村至西留一千八百丈  
固一千五百六十丈張固至西留至張

百四十丈演武場至西吳五百六十丈  
一南留寨五百六十丈任仙橋至張家莊五百七十丈  
陸村北老場至北留寨場三百一十五丈

南留寨五百六十丈任仙橋至張家莊五百七十丈  
陸村北老場至北留寨場三百一十五丈

陸村北老場至北留寨場三百一十五丈  
北留寨場至

薄村場一千一百丈  
寨場至塔圪台場七百丈  
北留

蔡河疏濬肇自時村丈至聖水二千餘畝誰實疏排近害力任

張霍新舊兩欒左屯邢種邢挑法守可貞  
邢台時村至張霍三

新舊兩周村界至左家屯五百四十丈  
左家屯至王家屯  
西欒村至

三百八十丈  
王家屯至東欒村一百八十丈  
東欒村至聖水河五百八十丈

聖水寒泉綿衍不竭流五千丈害我稼穡法在挑修去其淺窄

著有成式庶或可則  
聖水井至唐山之西馬河橋二千三百四

池家莊至宋家莊三百六十丈  
宋家莊至馮家莊二百七十五丈  
馮家莊至東

二十丈  
馮家莊至關家莊二百二十五丈  
關家莊至東

馬河山水民曰有益汜濫腴田驟至即畢四千餘波但挑下息

不顧成河且惟今適懼久非宜君子是識蓋宗至顏解至安莊

三百丈 安莊至賈村一千八十丈 賈村至北張七百二

十丈 北張至西馬河橋合聖水河一千二百六十丈

盜陽寬深無庸疏濬衆水匯漲漫衍為病義疇邢灣丈六千剩

高築隄堰鬆薄是禁兩岸居民何虞洪浸平鄉中義疇至留壘

至新店橋七百二十五丈 新店橋至辛莊橋六百九十五丈

辛莊橋至北定橋五百八十八丈 北定橋至天口村五百四

十丈 天口村至田莊至甄莊四百七十五丈 甄莊至楊家莊

七百二十五丈 寧家莊至黃家莊三百七十五丈 黃家莊

至邊家莊一百九十丈 邊家莊至邢家灣五百七十丈 邢家莊

氾河新徙入任為患王張鄭莊疏濬宜辦丈千七百無使滋漫

苟勤桔槔岸田可灌大莊頭至張村五百六十丈 張村至塔圪台六百九

沛水初來瀾漫於野牛薄馬橋宜並驅瀉引歸達活其患自解

牛村至薄村南三百六十七丈 薄村南至馬河橋場東界一百九十丈

牛家口河肇中義曠南北辛莊歷至邢灣度七千丈水至漫漫

北定牛辛受流獨殘合力濬深潺潺入川中義曠至南辛莊五百四十丈 南辛莊

至北定村東一千八百一丈 北定村至北辛莊七百二十丈 北辛莊至牛辛寨至邢家灣

北界二千四百六十丈

程寨河身二千七百舊由入澧水東反側東盟北去黃溝可攝

如沙洛法挑濬始得郝橋場北界至程二寨五百六十丈 程二寨至駱莊四百九十丈 駱莊至達家

莊七百二十丈 達家莊至東盟台九百三十丈

劉累河水小漳並惡北高雙蓬抵累瀟瀟洶四千丈泊汪尾末



引入沙洛近民圖度

北高村至雙蓬頭三百六十九丈  
雙蓬頭

十丈郭家莊至劉家莊五百三十丈  
劉家莊至天口村  
五丈郭家莊至天口村  
莊方入沙洛河處三百五十丈  
莊五百二十丈  
天口村至鄧橋六百三十丈  
鄧橋至尼家

莊方入沙洛河處三百五十丈

牛尾疏濬河頭動衆南西縣南彰台大宋二千七十丈與水共

淺者以深馮夷何橫李道村至河頭五百六十丈  
西縣南四百二十丈  
西縣南四百二十丈

十丈西縣南至東縣南四百二十丈  
至彰台二百二十丈  
彰台至大宋五百二十丈  
東縣南

順水河患汜濫莫收台南陸村南劉北劉七千丈地河水悠悠

概宜闊深達活同流功力浩浩幾與澧儔賈宋至甘寨一千四

大宋九百二十丈  
大宋至郭村七百三十丈  
郭村至甘寨

南九百八十丈  
南至齊村二百三十丈  
齊村至固城橋一

百八十八丈  
固城橋至新益五十四丈  
新益至陸村四

至北劉寨場三百八十丈 北劉寨場至趙五家圪台五百八十丈

殷陳溝水疏濬有倫河東河西孫單分門維河之南胡翟杜陳

維河之北大宋郭村波五千丈衆驅自奔賈開起白佛店至路

丈胡開起大宋至杜家莊二千三百一十丈杜家莊至

胡家莊後與賈開水合處一百五十丈 駱莊場至台南新

橋七百丈新橋

程寨河土人稱舊自東盟台後西引入澧河東地勢窪下恐

澧水洶湧反從口東溢滋害愈甚今自東盟台後直北挑入

泊東合沙洛河由黃家溝入澄陽河

按疏河丁夫册載在城六鋪共一百五十八丁在鄉四十村  
共一萬五千二百五丁加以助工百八十八丁統計丁夫尙

不足治澧一役之用其他何賴恐此已非完冊故不詳載而但紀其大略如左嗚呼居今日而溯治河之役不過曰起闔邑丁夫疏全境河道而已試思人丁何以召集河工何以撥派當巨浸瀾漫從河中覓地不等地上挑河量日命工從何措手設身而處幾不識當日若何勤勞若何籌畫始克有暢泊歸墟之績百年水患人其爲魚不有仁賢其何能邑宜任民之愛戴於世世歷久而不忘也

水利

按俗語有云南和任縣不求天謂其引水灌田無待雨澤余來任數載觀其地勢察其溝渠之源委而知其不盡然也任

境之水可資灌溉者西有牛尾東有滏陽南則百泉順水二河然滏陽南溯磁州經四五州縣節節閘留由平入任水勢已弱惟夏秋之際水可通船兩岸之田頗資其潤近平鄉因禁止刮鹽開溝取水以變鹹土滏水之及於任者較前益少矣百泉順水其利多在邢南之境至任已所溉無多牛尾發源府北邢民據其上流任境所引皆其灌田之餘也任與邢南舊有水利章程達活水任分其五百泉水任分其七而上游之民壅遏如故微獨任民無如之何地方官各護己民卽官於此者能越境而與之爭乎均水之約徒虛語爾獨汲井灌田幾及全境之半然井水不及河水之肥用糞較費且只

能補雨澤之不足設逢枯旱雖終日汲引仍無救欲槁之苗然則水田雖較勝於高田而遽謂無藉雨澤則臆度之言非實事也今就水之能及者舉凡蓄水之閘引水之溝彙列於篇庶可考見水利之多寡焉

### 牛尾河閘

永固閘 在河頭村西北西留村西南前明時公建閘座分水灌田後因一閘用水不便分為二閘南曰南永固閘北曰

北永固閘

### 南永固閘斷案碑記

道光五年縣尊謝為出示曉諭事西留村

永固閘一座後又於村西南後街人等稟稱河頭村西北舊有半月不料河頭前街李秋成等忽違舊章獨霸水利當經下勘集證訊結仍恐後起爭端合亟出示曉諭為此仰西留村人等知悉河頭村南閘每月自初一日起至十五日止

河頭各村北閘自十六日起均至月底北永固閘斷案記  
任各河頭村閘首縮其樞來水旺流甚微去水稍遠即無  
從分其潤所十頃以固之蓄水灌田西留村河頭後街數  
有章程立有數十簿設小甲以董其事顧夫程私開溝遠  
遵行西為無爭執乃光緒初年有董其河頭事程私開溝遠  
至南不許復充自肥之計西留其父故不籐終南也張公斷  
程照子景春霸夫未追其水簿訟諸前縣尊張公斷  
未塞將順行西留夫未追其水簿訟諸前縣尊張公斷  
尊吳公親詣河干逐渠填平遂督令地保將私開者塞之  
舊有通親並飭村中另一視夫將景春將私開者塞之  
當諸貞出霸佔之計無所施舉閘督令地保將私開者塞之  
勒年吳公珉世子孫戴吳村夫將景春將私開者塞之  
七進身名慶祥字頌雲賜侯之德於弗諉焉時光緒二十  
進士開溝歷嘉定縣人南永固閘斷案碑記  
閘下建村挑有北新曲村仁義閘乘間取水易奪牛尾  
礙惟新溝上亦接河曲村仁義閘乘間取水易奪牛尾

興利 開橋 明時 圯壞 改修 爲開 濱河 一帶 田畝 藉以 灌溉 年久	後具 營水 地簿 十頃 餘畝 記略 云城 北十 五頃 餘畝 前至 頂皆 發以 石造	萬全 開大 在城 北三 里牛 尾十 河創 自道 光二 十年 至光 緒十 九年	固河 分家 屯吳 岳西 許牛 花七 村之 田約 若千 頃畝 章自 李道 村東	恒利 開修 在牛 西尾 河村 北舊 由辛 全留 寨邢 之關 灣餘 水自 李道 村東	因異 勒勢 石殊 或以 垂有 久翻 遠異	奪弗 永許 固永 開固 利攔 兩阻 造河 各曲 具灌 結田 完已 案畢 永亦 息不 邢准 任放 爭水 之仁 訟義 恐溝 時以	溝地 自至 可白 接露 大節 引開 水放 亦不 准准 築餘 水曲 當放 入新 廣溝 義溝 許河 曲東 廣廣 義義 澆澆	關之 灣策 餘水 不未 准用 牛尾 河復 水旋 曲經 仁邢 義義 尊尊 斷令 新溝 節閉 廣廣 澆澆	勘核 辦邢 未定 李同 等復 控旋 親詣 邢縣 尊斷 令新 溝節 閉廣 澆澆	下游 水利 經董 事李 同等 在郡 呈控 蒙府 憲飭 邢任 得兩 縣平 會
--	--	--	--	--	--	--	--	--	--	---

類廢余每過而惜之於是首捐清俸為之倡民亦鼓舞從事  
鳩工庇材仍舊地而鼎新之青郭綠野之間環渠引水復獲  
其利夫匹夫苟心可利物於必有所濟况守土之官苟有  
利於民雖創興猶民之因仍其舊乎開工落成士民請記於  
予曰是所以興民之利也  
利也因名之曰興利閘

順水河閘

永利閘在大宋村同治年建

齊村閘在齊村東南

郭村閘在郭村南

滄陽河閘

永濟閘

邑人趙文炳記邑東北三十里許有河曰滄陽發源於  
磁州西山之麓澌洄曲折迤邐境之東偏稱巨流焉河於

恒思經理而未遑也萬歷乙未春徐侯奉命宰任邑問民疾  
之西地形窪下歲苦淹沒其東則高埠歲又旱職斯土者



苦水患最甚於督鄉民北巡淤塞河上西望張泊而流  
湧害大禾東望乃中魁等處苗將增其隄岸引巨水若斯與  
歲河者不熟得勺父老而謀之諸父老民固等之曰上之先人亦  
有責焉築屬其父老建中蓄水諸父老民固等之曰上之先人亦  
旱旋廢事非土壩久於河建以蓄水諸父老民固等之曰上之先人亦  
功創甚難輕若久於河建以蓄水諸父老民固等之曰上之先人亦  
庭諭以建等開其久於河建以蓄水諸父老民固等之曰上之先人亦  
大者遂與諸父老建中蓄水諸父老民固等之曰上之先人亦  
及當履畝報稅之可以二工率僉謀用舞勸公檄爲百方利家獲厚  
於鐵道咸報之於陶擇是爲匠召夫十人石心悅服因計永咸利  
始鑄於西春灰於越戊開河成強半是十人石心悅服因計永咸利  
口溢入丁冶春灰於越戊開河成強半是十人石心悅服因計永咸利  
仍儲入丁冶春灰於越戊開河成強半是十人石心悅服因計永咸利  
四設儲入丁冶春灰於越戊開河成強半是十人石心悅服因計永咸利  
通關一穀三爲石患以侯復石開月功厚鄉民三役餘人石心悅服因計永咸利  
怨力取之誠民而衆不勞非所謂供道使耶無何侯有東不

壬  
系  
卷之一  
二十六

平之擢甫戒行復進父老而諭之曰閘為功成矣顧子爾不建  
 奚約閘之南建子閘不進父老而諭之曰閘為功成矣顧子爾不建  
 姓約閘之南建子閘不進父老而諭之曰閘為功成矣顧子爾不建  
 吳家口閘又次莊閘數口又次王閘而田莊又次邊家莊  
 各隨地勢水溢額為流患其北境大隄當高厚夾植  
 尺柳數百株以固之使漳水不得衝決庶幾有水之利  
 無水患乎吾行不暇為此爾父老亟圖之渴力為之興  
 孰不曰無慮矣於簿期會吾父老亟圖之渴力為之興  
 無窮之利即興矣孰肯諄諄為百姓圖久遠計於去日興  
 哉侯當民可謂至矣昔召杜守南陽開溝渠於陂池以興  
 水利故愛時比室殷足有召父杜母之謠迄今為良吏首稱  
 侯之建浚渠以厚民生視召杜奚啻過之異日灌溉功成  
 百姓歌詠盛德窳窳出南陽後哉余因鄉人講為之記其始  
 末以俟後之撰循吏者縷述建閘一號人講為之記其始  
 省魁任六載善政難次庚子秋八月  
 端也萬歷二十八年歲次庚子秋八月  
 按通志永濟閘知縣徐璘所建復為子閘八此記所述止七

子閘或通志誤歟又云滄陽河諸閘在東北者曰禪堂閘又北爲郝家閘即天口閘爲牛家閘俱在西岸又東北爲胡家閘其西北爲王家西閘東爲王家東閘二閘卽王家灣閘又北爲李家閘俱在東岸又北爲趙家閘爲賈家閘俱在西岸又北爲朱家閘爲牛辛寨閘俱在東岸其西爲劉累閘在西岸以上皆雍正四年建又北爲永濟閘則跨滄陽河中矣

郭家莊閘

在辛店村北一里許滄陽河之西岸

鷄爪閘

在邢家灣滄陽河西岸爲大陸澤溢水交通處亦明萬歷時所建

滄陽河兩岸涵洞

東岸涵洞於境內凡九十一道在辛店村者九南新莊者十八

北定村者十四天口村者十五田玉莊者八甄莊者十二邊  
家莊者八黃家莊者五邢家灣者三

西岸涵洞於境內凡九十道在辛店村者十三劉家莊者十九

北定橋者八天口村者十三甯家莊者六甄莊者十八邊家

莊者五黃家莊者七邢家灣者一以上滄陽諸閘及各涵洞  
舊志無之調查亦未及俱

照通志增入不知今  
昔情形有異否也

牛尾河引水溝計六道

一自距縣治西南八里河頭村西舊有溝一道上承永固閘引

水東行逕南西趙家莊東西縣南等村至彰台村東溉五村

之田約長八里

量田引水適足而止無餘水他注  
以下各溝凡不言注何水者做此

一自河頭村北舊有溝一道上承官開引水東行逕西留北西  
漑兩村之田約長六里餘水注西關城河

一自西留村北舊有溝一道上承恆利開引水北行逕辛留寨  
暢家屯漑兩村之田約長十里餘

一自城北舊有溝一道上承萬全開引水東北行逕前營東許  
花漑二村之田約長八里餘

一自距縣治西九里邢之李道村東上承李道村溝接開新溝  
一道名仁義溝引水東北行逕辛留寨安莊吳岳漑三村之

田約長十八里附仁義溝記

略云邢境東隅村皆瀕水河曲  
李道二村南迫牛尾北近關灣

地夾二河十年九潦而任境西隅與邢接壤吳岳安莊等村  
地多沙礫常苦亢旱若自邢境開溝下及任境邢可去水害

任可協光緒丙午幸兩得誠爲善策數十年來屢次會商未得  
 允澹邢境之災增任民之福諭令兩縣依親董議先會請府示相  
 欲開工其間糾葛百端動有窒礙或導始獲以毀渠或攪得開  
 邢地甚至境牛尾河賴義祖多至安廢溝挑任挖境者長九計開  
 爭水自邢支渠數一倍自義道一丈連仁三溝共四尺至  
 矣溝三邢道境者長四丈五尺一丈二尺三寸四分  
 大在邢境者長四丈五尺一丈二尺三寸四分  
 四尺六寸五分七分八寸九寸十分  
 七尺八寸九寸十分  
 漑餘亦皆州屯引水可溉田三十餘頃而李道等村田積餘之頃兼  
 百餘頃亦皆州屯引水可溉田三十餘頃而李道等村田積餘之頃兼  
 詳稟督憲袁蒙批出詳定田畝驗三旋經三藩委同邢適卸遂  
 會勘形丈尺悉符稟存案呼此水年委公祖邢適卸遂  
 候補道邵親詣勘驗其害而利不知更歷幾何人守更委縣  
 歷幾何年我民之欲却其害而利不知更歷幾何人守更委縣  
 斯郡者罔識自之欲却其害而利不知更歷幾何人守更委縣  
 獨我公祖能因世戴德將與斯水而俱長者也李公祖名此  
 濱河之民所由一世戴德將與斯水而俱長者也李公祖名此

映庚字獻溪江蘇海州人賜  
進士出身署順德府知府

按關灣河本自邢台南境關家灣引百泉水鑿石爲筒貫牛  
尾河而北下游復歸入牛尾故至任境統謂爲牛尾河實則  
兼百泉水也

一自西留村西舊有溝一道上承永固閘引水東行溉西留一  
村之田約長里餘注西關城河

順水河引水溝計五道

一自距縣治東南六里大宋村西北開新溝一道引水北行俗  
呼新順河溉大宋村大豆村小東吳南留寨數村之田約長  
二十餘里至南留寨村北仍注順水河

一自距縣治東南八里趙村南開新溝一道引水東北行溉趙村辛益二村之田約長六里

一自距縣治東南五里彰台村南開新溝一道引水東北行溉彰台小官莊謝家屯大東吳四村之田約長十里餘

一自距縣治東南八里郭村南開新溝一道引水北行溉郭村之田約長四里餘

一自距縣治東北十五里陸村東開新溝一道引水西行溉陸村之田約長五里餘仍注順水河

以上檔冊

百泉河引水溝

計一道

一自南和白佛村北舊溝一道引水北行約長一千八百餘丈



溉田數十頃 此溝開自明初

滄陽河引水溝

一自距縣治東四十里辛店村北舊溝一道引水西行至郭家

莊東北注劉累河長七百二十丈溉田十餘頃

此溝係乾隆年間開

一自距縣治東北四十里甄莊東北舊溝一道引水東行長九

百丈有奇溉田一百餘頃

一自甄莊東南舊溝三道引水東北行各長九十丈有奇溉田

十三頃餘畝

一自甄莊村西北舊溝三道引水西行各長二百丈有奇溉田

三十餘頃

一自甄莊村西南舊溝兩道一係尼家莊溝長三百丈有奇漑

田十餘頃

此溝係乾隆五十八年開不在永濟閘子溝之內

一係甄莊溝長九十丈

有奇漑田五頃餘畝

一自距縣治東北四十里邊家莊村北舊溝一道引水東行長

九百丈有奇漑田一百餘頃

一自距縣治東北五十里邢家灣村東舊溝一道引水北流長

二百七十丈有奇漑田二十餘頃

一自邢家灣村南舊溝二道一引水東行長四十丈有奇一引

水西行長二百丈有奇共漑田四十餘頃

鷄爪河引水溝

一自距縣治東北五十里穆家口村北舊溝一道引水北行長九十丈有奇溉田七頃餘畝以上調查冊

除調查外其見檔冊者溢陽東岸田玉莊北定前後中魁曲辛莊王家莊邊家莊賈家莊六村各有舊溝一道引溢水東行溉六村之田各長七八里其西岸鄧橋村舊有溝一道引溢水西行溉本村之田約長七里餘

按以上各溝皆挑濬寬深長者或至十餘里儼成河道其餘子溝尙多不能悉記至舊志所載張滋黃楊石等溝舊爲澤水所由洩今皆淤塞無迹可考矣

水害

按大陸澤匯納衆水皆可爲利卽皆可爲害而害之鉅者莫如澧乾河劉累河次之環泊之害則以北澧之害爲害者也澧河之害 諸河中澧河最大北澧則澤水所由洩而不免於害者有害澧者爲之梗故也攷明正德十六年張瓚浚澧河嘉靖六年陳璣復請疏穆家口河卽北相距僅七年耳已云下流壅塞民田被沒者千餘頃是豈浚之未得其道哉蓋瓚所浚者任境之澧其下流非政令所及雖欲浚而無從利之難常害之速至正坐此矣夫水之利害只爭下游之通塞下游通則上游爲行水之川下游塞則上游爲瀦水之澤然使彼塞而此亦塞尙有居我上游者分其害而我之受害稍減

彼塞而此通則水之來也駛行水之去也無自勢必以地處中間兼承上下游之害而害乃彌烈故任之治澧能統下游而治之豈非沿河居民之大幸設未能然僅節節而爲之恐欲去害而害彌甚也言治澧者尙慎旃

乾河之害 平時乾涸大水時挾浮沙而下水落時則又水去而沙留日淤日淺故泛溢爲敗

劉累河之害 昔之所以爲害與乾河同今則因上游居民築壩截洛河之水用以灌田其餘水不能復入洛河則激而放入劉累是今日劉累一河兼受洛水故洛河至任已等枯槽而劉累則以勢不能容歲歲決口

# 環泊之害

明崇禎時泊水泛濫蠲免埃溼地雜徭

張紹先陸

澤九河匯流之區隆萬以前由雞爪洩入滄陽雖有波濤下

為大害厥後漳河沿泊民田顆粒不獲賠累租稅者久矣邇

致泊水蓄為巨浸泊田者必緣賦增攤派者豈因地減

來國遺黎何能堪此丙秋芮城李侯申請按台懇求外派

榮蒙批黎奉文查明被免民地共二百餘頃除正項外夫

果均溢會馬等俱行豁免已春復有陽城盧侯祇承簡命

役茲不殘邑時值大軍後國不復有陽城盧侯祇承簡命

撫得按畝徵斂以輸將然公義雖急我侯恤民苦衷

猶不自倦見被斂民地不勝惻然曰畿地凋殘猶望苦中

薄斂窪田淪沒敢云額外濫征於覆申兩院備陳石以垂

除難派真所謂前有召父後有杜母爰命鏤人勒石以垂

不朽時崇禎國朝康熙初年連歲水潦知縣李芷論邑中

三害九河居一略云邑東北二十里許為大陸澤十七河之

至邢家灣鷄爪黃楊等溝出新隆平甯晉入衛河而注於

西北流至穆家口入古滄陽河經隆平甯晉入衛河而注於

西邢家灣鷄爪黃楊等溝出新隆平甯晉入衛河而注於

至邢家灣鷄爪黃楊等溝出新隆平甯晉入衛河而注於

西北流至穆家口入古滄陽河經隆平甯晉入衛河而注於

西邢家灣鷄爪黃楊等溝出新隆平甯晉入衛河而注於

海自新溢沙淤漸高水反內溢古亦淤水不能下任與隆  
 平接壤害亦波及康熙初年隆古楊世望築隄於穆家口萬  
 益罹害訟於憲數載未決八年予蒞任訂楊令同趙果十  
 祉唐孫續再四經營計邑均利莫如浚古河不勘審  
 年楊謝事之復請浚黃朱穆等撫軍下兩道會勘兩  
 形度勢舍浚古河無他術爰集士民會議僉同復委  
 邑捕員尋源溯而委自穆家口至孟莊約六十餘里計  
 夫已有成議既而真順兩郡司馬同任隆晉三邑會勘  
 可一否相半甯晉稱水不能洩上流其民矣議未決嗟  
 十餘年秋水驟漲占地千餘頃濱河之民罹復有折稅  
 請茲蠲租中之處涕泣環折稅猶冀聞無窮黎皆翹首待  
 命於奈之何哉擊已下折稅聞無窮黎皆翹首待  
 心傷奈之何哉擊已下折稅聞無窮黎皆翹首待  
 大陸澤圖說略云大陸澤廣袤數十里皆元田淹久  
 而成巨浸者也九河以居然湖泊而不知長兩稅之民  
 而所以獨議也九河以居然湖泊而不知長兩稅之民  
 敬所獨議也九河以居然湖泊而不知長兩稅之民  
 隆平甯晉達天津以入海自明萬曆二十年漳河決曲周  
 鄭家口溢入滄陽而隆平以下地淺易淤其民又占以爲田

於是大溢陸澤之水因以東徙其故道猶存所謂古溢河也古溢水而有所來亦有去可漁可稼民不匱而賦亦足今則新溢陽有淤高丈餘鷄爪河反內溢而古溢故道阻塞在隆甯兩縣境以賦稅無入人民流離非請蠲泊地糧額則束手待斃民無再甦之日矣

因請蠲歲糧三千餘兩繼而知縣賀勳復請蠲歲糧

二千七百餘兩是皆澤水泛溢之爲害也至雍正四年始得疏穆家口河導澤水而注之北泊自是迄乾隆中葉先後涸地七百餘頃一時民慶更生矣迨嘉慶初年連值大水爲災

更甚知縣馬河詳請大陸澤豁除租額專徵糧銀

環泊十六村建碑記

事略云環水十六村共有納糧地若干頃先是被水侵佔豁除糧額嗣於雍正七年及乾隆二十三年陸續涸出地二百七十頃有奇奉文每畝徵銀二分零以認墾新荒獲利有限而徵輸無額易起爭端誠善法也至乾隆五十一年歲



旱水涸澤內復出地四百五十九頃七十八畝有奇  
 劉我題請每畝徵租八分內除扣地五十二畝  
 七分八釐五毫其餘銀二千九百七十五兩  
 租款解至司公積欠租銀五萬五千五百兩  
 銀以後來文豁免積欠嘉慶元年有奇於六十年  
 年先奉文豁免積欠嘉慶元年有奇於六十年  
 千七百五十二兩八錢八分五釐五毫  
 水鍾而無所惜追呼雖迫零分未納輸將不租  
 其名而無其實耳六年大水泛溢租額甚尊  
 癸亥臨察知其中害以立其牘請除租更邑  
 詞繪圖入告部據情再題議見格馬師申請益  
 嘉誠於為民據餘頃每畝專徵地丁耗羨折  
 將原場復漲地四餘毫賦按上中下算每畝  
 免徵租銀五分八釐九毫九絲九忽九微  
 銀一分五釐八毫九絲九忽九微九纖九沙  
 戴世矣然非馬父師再年三十月力除民恩  
 至此泊民故詳誌之以傳不朽嘉慶十年公  
 偏災間作泊地錢糧屢邀減免非害之鉅者則不備具焉

道光迄今

按冀州之大陸有三而禹貢大陸則在任縣無疑漢書地理志鉅鹿郡注云大陸澤在其西北水經叙漳水東北逕曲周至鉅鹿其西畔爲大陸澤漢鉅鹿縣唐爲平鄉鉅鹿二縣鉅鹿故城卽今平鄉縣治大陸澤在其北則任境大陸正當其地然大陸地也非澤也爾雅釋地廣平曰陸孔安國書傳禹貢大陸旣作傳云大陸之地已可耕作未以爲澤也顏師古注漢書始以大陸爲澤名孔穎達作正義欲通二家之說云大陸地勢汙下旁帶廣平之原則兼地與澤二義言之蔡沈集傳則云大陸者四無山阜曠然平地猶宗孔傳未用顏說然此皆以義理言也若以實事言之大陸勢居窪下衆水所

潴地易爲澤轉瞬事耳唐元和志邢州大陸澤在其東北東西廣十餘里南北長四十里葭葦菱蓮魚蟹之屬充牣其中澤畔有鹹泉煮而成鹽則純爲澤而非地矣然雖澤也未聞以爲害也沿及明初情形無改平湖千頃匯納衆流瀕澤之田盡爲膏沃商船漁舫上下於滏陽南溯磁州北達天津穆家口縮南北卸載之樞商務且爲一邑冠豈惟無害資其利者多矣其爲害也一由河道之日淤水勢積高勢成倒灌一由下流之置閘水行不速中滿難消自雍正時河道疏通已可轉害以爲利而猶時不免害者推言其故則由盡強澤以爲田歲值旱乾水涸而地現愚民貪一時之利喜於佔耕有

司求一己之功矜言墾闢殊不思多一分耕耘之地卽少一分容受之區大水時至仍爲澤國田廬被沒則害在民財租稅難完則害在國課向使千頃之澤留十分之二三築爲陂塘相地置閘盛漲時閉閘以拒之使仍循河道而下俟積水不消然後開而入之春初多旱既可藉蓄水以資其潤夏秋淫潦使有所歸自不至久爲泛濫以視盡澤爲田其利害何如也嗚呼賈讓之策不得復行於今而欲河道之常通下游之無壅勢又有所不能弭害之術惟有邀天之幸而已矣

增補

河流 水害

大陸澤卽廣阿澤一名張家泊一名小東湖前志言滄河在澤外就現在之水勢而言非古之大陸也古大陸東極鉅鹿皆是豈但滄陽所占之位哉

滄陽河發源磁州自平鄉中義疇西北入邑境至邢家灣村當中正支而外別滋旁支正支自南來折而東流行三里至鉅鹿隆平分界地河南岸屬鉅鹿有村名張家莊河北岸屬隆平有村名河北莊下達五十里入寧晉境旁支係澧河洩水溝又名小鷄爪向洩澧河所受諸河之水自滄陽淤高水反倒灌有臨泊十六村所建石閘依滄河西岸以遏滄流水漲時從閘上湧過西流折而北又折而西經穆家口村東北流

行三里許會澧河穿橋下與澧水爭流橋孔狹小水勢汹涌橫激澧水不能順流而下者以此河爲之梗也

按滄陽自平鄉中義疇西北入邑境前志言在龐家莊者非是其分支處在邢家灣村中心點前志言邢家灣之北者又非是又通志滄陽河說有云邢家灣有老閘一座已難啓放並爲該處莊民堵塞南泊盛漲專注澧河澧河不及洩卽不免泛濫爲害查南泊穆家口澧河之外向有五溝今湮其四僅存一鷄爪河復令不通涓滴全灌一澧河不獨南泊汪洋數十里中滿難消亦恐澧河四溢宜修廢閘如法啓閉令兩分入澧一分入滄嗚呼此不諳時勢之言也滄陽淤高歷年

已久河底比南泊平地已高數尺僅存一鷄爪尙被倒灌之  
害所幸者有老閘一座以遏溢流溢河之水不至全洩入鷄  
爪耳惟閘口太寬閘身太低溢流漲時漫閘湧過澧河之水  
已被橫激不能下洩南泊受害實非淺鮮若令啟放則泊水  
無時能消溢陽將成乾河又何以行舟通商乎此一舉兩害  
之道也夫一鷄爪之存受患若是之巨若復並開五溝是使  
南泊之田永無見天日之時也豈其可哉豈其可哉獨怪此  
說在同治初年河勢與近今無稍差異何不察若是

澧河自南和縣之郝橋北入境至永福莊東北九里許環水村  
西南六里許俗名澧河頭以上通稱南澧以下通稱北澧又

名新挑河蓋自雍正時重浚以後所命名也至穆家口西北  
小鷄爪合滄陽倒灌之水自東來會穿普濟橋即新橋北流五  
里至隆平之崔家樓再北十餘里至武疇有石閘一座北行  
四十里至寧晉界

按澧河下游有二大阻格一曰穆家口橋一曰武疇閘穆家  
口橋孔太窄小不能容爭流之滄水宜開寬加深橋孔改造  
然後河流自暢武疇閘逼占河身有礙水路宜設法毀除以  
去壅蔽然後河路自通二害不除水患未有艾也關心河務  
者其念之哉

鷄爪河淤塞年久不辨故道想在邢家灣南如俗呼鷄爪河沿



者是其地也就河名推之必有數道以洩南泊諸河之水其形如鷄爪然舊說稱有七里諒自不誣今北澧接滄之洩水溝僅有三里乃係一小鷄爪必非鷄爪正身可知也

乾河自南和縣郝橋東北入境行數十里至東盟臺入澧今入澧之路淤塞改向北下至馬家莊西南下無河形河口西距南澧里許東距沙洛河二三里許

按乾河入澧之路淤塞年久每遇水來直洩田間北村一帶受害甚巨宜速挑浚以求歸路

水害

澧河之害

### 乾河之害

按前志所載二河之害詳矣而有爲害最甚前志所未及者  
澧河之害則以害澧者未能剷除故其害彌烈害澧者何曰  
鷄爪溝曰武疇閘水必順流而後能下鷄爪溝之水橫來衝  
激此其害澧者一也河必無礙而後能順武疇閘占河幾半  
此其害澧者二也乾河之害下無歸路水來則洩入田間不  
待澧河崩決而已成汪洋一片矣此又統害大陸者也此害  
不除雖挑北澧其何以濟

### 里社

里社十五曰坊關曰東吳曰趙村曰故城曰辛益曰台南曰駱

莊曰張故曰張村曰橋頭曰河頭曰北張曰許花曰西留曰吳岳舊制以里長老人主一社之事里長百五十人歲輪十五人爲見役其餘爲排年

村鎮舊志領於里社然里社所領者丁糧其間壤地交錯不能齊一今以邑城爲中心村鎮所在則以四正四隅列之

其在正東者

按距城數里餘皆倣此

小官莊

一里林家莊

二里小豆村

三里大豆

村五謝家屯

六里大東吳

八里小東吳

十二里孟氏貞節坊

十二里趙村

十二里齊

村十五里有宋固城

十五里東盟台

二十五里石勒遣石虎與疾陸眷盟

三十里臨泊舖

於渚陽築台於此村由以得名

達家莊

二十里杜家莊

三十里劉家

三十里象王莊

三十里郭家莊

莊三十里

安上村

三十里吳家莊

三十里象王莊

三十里郭家莊

三十里郭家莊

三十里郭家莊

象牙寨 三里 辛店鎮 四十里 有堡同治七年創居水陸之會商務頗盛

修堡垣五百餘丈雉 栗家莊 四十里 北辛莊 四十里 十

其在東北者 前西吳 五里 大寨 八里 張家莊 十二里 南留寨 十二里 永

福莊 十八里 馬家莊 二十五里 于盟莊 三十里 尼家莊 三十里 鄧橋村

三十里 天口村 三十里 田玉莊 三十里 新興莊 三十里 甄莊 四十里 有

創建 北定村 四十里 趙氏孫胡氏二貞節坊 北定橋 四十里 五花辛

莊 四十里 前中魁 四十里 後中魁 四十里 邊家莊 四十里 東黃莊 四十里

西黃莊 四十里 王家莊 四十里 賈家莊 四十里 邢家灣 五十里 穆家口

五十里 邢穆原係二村同治六年合舉董事王福齡集制楊

錢六萬貫二村合築一寨名邢穆寨牆周十里九門三開圍

家莊 三十里 孫家莊 三十里 曲辛寨 五十里 牛辛寨 五十里 村寨牆係同治

七年村董穆九河倡捐  
村衆集款台力修建  
呂家莊五十里

其在東南者

彰台

五里泉有鍾靈台為

前後大宋

八里故老相

各村皆預置宋金二國旗宋兵至則懸宋旗金兵至則懸金

獨此村倡義團保為大宋守故錫名大宋村有霍李氏節

孝郭村八里有侯賀生劉莊十五台南十五里五花杜科八

坊郭村氏節孝坊賀

生劉莊

十五台南

十五里五花杜科八

翟家莊十八里

胡家莊

十八里駱莊

二十五里程爾寨

二十五里西望

馬台三十里

東望馬台

三十二里有趙馮氏

留壘

四十雙蓬頭

相傳寒山拾得修煉  
於此俗稱和合二仙

其在正南者

西縣南

二里東縣南

二里北甘寨

六里南甘寨

八里

其在西南者

于家屯

五里趙家莊

五里南西

六里太平莊

六里河頭村

八里

其在正西者 郭解周里一北西里三小北留里三南張故里三白家屯

里四西留六莊六里有鋪辛留寨里八寺莊里八顏解村里十二張藿村十二

其在西北者 韓家莊里一北張故里三吳岳八里有節孝坊前後安莊

里十賈村里十二賈村屯里十二溫鄭莊里十二東欒村里十八西欒村

里十八馬坊里十八蘇家屯里十八東西耿莊里十八朱家屯里十八牛

王左三屯里十八新周里十八舊周里十八南北宋五里驛頭里三十

集

其在正北者 後西吳里五暢家屯里五前營里六後營里七廟上里七岡

上里八東許花里八西許花里八十里亭里十橋頭里十二大北張里十二

二北張十二里 三北張十二里 楊固十二里 楊固屯十五里 尹家莊十五里

里吳鐵莊十五里 馮村十八里 沙營二十里 嶺南二十里 孫氏節孝坊 東馬

橋二十五里 西馬橋二十五里 六屯二十五里 四莊二十五里 王村三十里 東西薄

村三十里 有七丈餘今存其一 小劉莊三十里 南張村三十里 鄭家莊三十里

寨環水村三十五里 舊名塔圪台四圍皆水相傳 北白屯

三十里 辛市四十里 有堡同治二年創建

五里 以上共一百三十七村

物產 天然產 製造產

天然產 植物 動物

植物 傳曰國以民為本民以食為天食固民生之大命也

而食之最急者惟穀與蔬故卽中熟之年穀蔬產額准本

境量數 二十桶爲一斗 十斗爲一石 計其大凡他產稍夥者亦附焉

穀蔬

穀類以麥與高粱爲大宗穀與雜糧次之麥地二十一萬四千

餘畝高粱地一十一萬二千餘畝穀地八萬二千餘畝雜糧

地二萬三千餘畝每畝收量約五六斗

蔬類以葱爲大宗蘿蔔白菜次之計地三萬一千七百餘畝每

畝收量約三千餘斤麻棉靛共地二萬餘畝每畝收量約百

餘斤

以上所計但就一熟言之實則麥田刈後仍種穀蔬歲可再



熟所穫固不止此也

林業 食品 用品

食品多棗梨桃杏 棗約一萬餘株通共收量約五十餘萬斤  
每斤約七八文自用無多近年製爲薰棗由潞陽河運銷天  
津梨桃杏共約六千餘株通共收量約三千餘斤本境自銷  
無外售者

用品多楊柳榆槐椿舊有者約二萬餘株新栽者約十萬株皆  
係私有林今官栽兩萬餘株爲公有林其草本木本之植而  
足供玩賞可入藥材者種類亦夥但無珍貴之品

動物 動物之類甚多其有益於人而不可缺者則用畜食

畜其大宗也今卽調查之數分而計之

用畜有馬騾牛驢 馬五百匹 騾二千四百八十四匹 牛  
二千一百二十頭 驢一千三百八十五頭 計共六千四  
百七十一頭匹大抵爲耕田之用農隙時間以供運載然境  
內之田六千餘頃每一牲畜須擔百畝之耕力必不足意者  
當倍其數焉

食畜有豬羊鷄鴨 豬一萬一千一百八十九口 羊一千餘

隻

多運自  
外境

鷄不甚夥鴨益少 魚類大水之歲所產亦豐

尋常無之 計境內食畜設止此數則民之用以供食者儉  
矣西人謂意國之民每人一年所食之肉不足二十七鎊多

血枯而死比例言之邑十餘萬口食畜僅此區區尙不敵意民所食之數何以衆庶芸芸未嘗盡形羸弱而鄉僻農民有終歲不肉食者且多堅強壽考蓋耐苦習勞身體以練而健不盡關食之豐儉也

製造產 傳曰一日不再食則飢終歲不製衣則寒生民日用菽粟而外布帛其急需也邑無精緻工藝惟織布之業徧於四境自用者無從得其數今僅卽外銷者約略計之其他粗笨之工亦附焉

織布 布之類有三曰水綾布曰莊布曰換花布水綾布最上出產無多換花布最下銷數亦少惟莊布爲大宗由在城布

行銷行山西忻州一帶常年平均約五十萬疋常價每疋制錢五百文近年棉價日貴捐項亦增織者無利遞年衰減所出不過四分之一另有洋綫布常年出額十五六萬疋自官莊行銷歸化城

編蓆 產邑東路村一帶丈蓆至六尺蓆每年約出七八萬領每領值制錢二百餘文半銷本境半銷鄰邑

造紙 產邑東彰台等村曰紙坯每年約出百餘萬捆每捆約值制錢二百餘文曰麥桔紙曰葦子紙每年約出三四千萬個每個約值制錢百餘文半銷本境半銷鄰邑

作礮 產豆趙縣南等村曰大毛邊曰小毛邊曰草節邊每年

約出六七千萬每一萬約值制錢一千二三百文多銷外境

增補

天然物 製造品

物產

動物 地鄰澤泊所產魚蝦之類名目甚夥今卽其大概撮

計之

魚類 鯉魚大者可二三尺 鯽魚大者可六七寸

鱗鱗大者長二寸許味最肥美六七月出本境特產聞雷卽沒 鮎魚大小不等 黃鱔大者約三四寸 黃鱖大者可

七八尺其餘細鱗微介不可枚舉

蝦類 多產蘆汀荻港間大小不齊

製造品

翎扇 邑東北環水村人多以各鳥翎羽製此

簸箕 製自邑東北環水村每年約出二萬餘具

軋花機器 製自永福莊及辛市村每年約出一千四百餘輛

半銷本境半銷鄰邑

彈花機器 製自永福莊及辛市村每年約出二百餘輛半銷

本境半銷鄰邑

風俗

邑境多農人尙勤儉士皆安分自守課讀而外不憚農事躬親因而學問一事淺者多而深者少今則新學風行人爭若鶩

爾農則頗勤墾畝耕耘以時穿井開渠隨地灌溉一邑普通之業係於是焉工少精巧技安舊習商不過本境貿易少在外營生者其衣食住三者衣多布褐食多粗糲住則瓦屋少而土室多近以習尙移人服式稍改或布或帛漸易而洋窄袖長裾結束緊固而計其多數尙皆沿襲衣博帶之風其歲時令節婚嫁喪祭與他邑多同惟結婚太早停喪過久爲一方弊俗其下等社會迷信多神每逢朔望焚香祈福又有醮錢賽會合羣修醮之事耗財廢業此則所宜禁革者矣要之地方風俗莫不由樸而華因之物價踊騰人工昂貴守舊者方憂世風之不如維新者正喜民俗之漸開余謂世風不古

無害也民俗漸開尤善也獨所謂開者不開於知識不開於學術只於觀瞻之具不憚枯中腴外竭力以效人不知物力所登成人功所造作能堪此日開之風俗否也

增補

風俗

敘曰天地生人各隨其鄉土之宜以成爲好尙好尙旣殊趨向因而異焉語云百里不同風千里不同俗雖曰習慣使然亦在表率者有以轉移之耳昔雍州之地周用之以興仁讓秦用之以成武勇安見風俗之不在人爲哉

人性敦厚務在農桑尙儒術傷於遲重

隋志



質直少文氣勇尙義

宋史地理志

婚禮始通媒妁行聘定禮次納采至婚期女家先送妝奩男子親迎領禮者率壻至女家行親迎禮既婚翌日婦廟見拜舅姑伯叔壻隨婦至岳家拜岳父母伯叔名曰回面

喪禮凡有喪弔臨送旌行堂祭禮散孝經親戚送葬至墳墓富貴之家聘有職銜科名者書木主

祭禮士庶之家每族多立祠堂奉先世神主懸布軸列先世名字或以影像饗之亦有無祠堂設祭於家者

元宵節城東西北三門大街俱各張燈施放煙火花礮及釀錢扮戲以爲娛樂各鄉亦同十五十六兩夜婦女踏月夜遊名

曰走百病

清明節行祭掃禮焚香楮於塚墓間十月朔亦然亦有入祠堂  
行禮者

端午節士庶之家皆飲酒食角黍饋遺鄰里

中秋節各家飲酒玩月邀集賓朋以相娛樂

除歲各家焚爆竹祀神祀先祖徹夜燈火不斷元旦早起著衣  
冠行拜節禮鄰里鄉黨交相往來以昭親愛